

皇明兩朝疏抄

皇明兩朝疏抄卷之八

民隱類

議救災預防後患疏

何孟春

昔宋蘇軾官杭州歲饑奏于其君曰事豫則立不豫則廢  
救災恤患尤當在旱災傷之民救之于未饑則用物約而  
所及廣救之于已饑則用物博而所及微臣切見今歲戶  
部兩次會官議賑淮徐等處災傷是救之于已饑之餘用  
物博而所及微矣然又有可預憂者古人云天災流行國  
家代有向去之災如人初病繼來之災如病再發其病雖同氣  
力衰耗恐難支持今各處屢報災傷華被 皇慈大施拯  
恤民于百死中微有生意米年收穫知復何如軾謂當急

救之于可救之前莫待救之于不可救之後者實前事之  
鑒也宋孝宗時朱熹論荒政曰蠲除賑貸固當汲汲于其  
始而撫存休養尤在謹之于其終譬如傷寒大病之人方  
其病時湯劑砭灸不可少緩而其既愈之後飲食起居所  
以將護節宣小失其宜則勞復之證百死一生尤不可不  
深畏今者饑民雖免死亡然皆烏形鵠面爾然無異于大  
病之人新起若有司加惠撫綏寬其財力一二年間筋骸  
氣血庶幾可復其舊若遂以既愈而不復致其調攝但見  
其尚能耕鋤田疇撐拄門戶而驟責以累年之逋負與夫  
倚閣之官物是人其必無全理矣熹之所論譬者軾之論

也真謂乾道間旱稅苗皆常恩有而流殍甚衆久而不復  
蓋次年帶納逼迫所致至淳熙初乃以海饑始蒙蠲放則  
三年之間所失已多而無復及於事又明年之所當鑒者  
也臣敢通錄如前上勤 睿覽望 詔在廷蚤加規畫臣  
聞漢先帝時魏相因歲不登奏故事詔書二十餘事凡賈  
誼晁錯董仲舒等所言皆條行之唐宋諸臣因災進言於  
君多按前代故事我 祖宗惻怛民隱之實德發于

詔令為荒政者其備且載有司臣無容盡述惟願 皇帝  
陛下特勅該部詳檢而速行之敬 天保民救災恤惠之  
術蓋必有在若稍增飾斟酌議論則前代故事見諸史冊

亦極詳悉臣敢亦擇掇一二願切于今日者竊附愚忠開  
坐于後輩惟陛下少垂省焉臣忝居議列上瀆天聽  
無任惶恐激切屏營之至一唐德宗時陸贄奏曰聖人  
作則皆以天地為本陰陽為端慶賞者順陽之功行於春  
夏刑罰者法陰之氣用之秋冬事或愆時人必惟咎典籍  
垂誠言固不誣大人符同理當必應既有繫于舒慘是能  
致於災祥雖天所降沴不在郊畿然海內為家無論遐邇  
願滌瑕以修德消沴以和威惠之相濟合宜陰陽之運行自  
序臣惟今日賞多濫得罰失公平可用之財未歸藏府最  
彰之罪弗正典刑以月令推之愆時咎徵水旱並臻良有

攸自贊所謂慶賞刑罰者惟 聖明留意省 新恩之常  
祿可以哺困窮追巨罪之逋贓可以補租賦檢視臺諫前  
後章疏一聽于公可消前戾 一宋太宗時王禹偁奏曰  
一谷不收謂之饑五谷不收謂之饑饑則大夫以下皆損  
其祿饑則盡無祿廩食而已今旱雲未沾宿麥未茁既無  
積畜民饑可憂望下詔直云君臣之間政教有關上自乘  
輿服御下至百官俸糧非宿衛軍士邊廷將帥悉遞減之  
上答 天譴下厭人心俟雨足復故雖朝行中家最貧俸  
最薄亦願首減俸以贖耗蠹之咎但感人心必召和氣臣  
惟今日饑則淮南江北等處為甚饑則湖廣等布政司在

處有之成化間布政彭韶曾奏要將在京在外文武官員  
位高祿厚者額設皂隸遞減名數還官公用該部查例具  
奏多寡次第已經斟酌彼時不為災傷且有此議近日侍  
即吳廷舉又奏南京府部院等衙門直堂皂隸應合退出  
若干賑濟次第明白深合昔人遞減之意四品以上祿厚  
則家不可以言貧五品以下家貧則俸不能以更積禹備  
所謂上谷而下厭者惟 聖明留意自四品以上悉遞減  
之文官五品及武官四品以下聽其自審為義無積不強  
在京在外官有因事加俸添皂之資即當裁割以備拯恤  
若夫 乘輿服御 官禁用度應體大禹克儉之德 內

帑何患無餘中貴外戚百凡賞賚無論舊例際茲歉歲俱  
各省免候災傷寧曰通議定奪一宋高宗時李光奏曰  
方今之患莫甚於州縣之吏蓋公廩多不容而賍貪或得  
倖免百姓受弊不可勝言慶曆間歲旱范仲淹請遣使者  
徃勞來之於是命仲淹為江淮安撫今日荒旱民多流徙  
願選公忠諒直之臣通民情曉吏治者以撫為名察郡縣  
貪苛之吏孝宗時趙汝愚奏曰講行荒政全在得人任得  
其人則能每事隨宜措置不至乖疎任非其人鮮不敗事  
守令之不堪倚仗者宜委諸路監司體察監司之責在今  
尤須謹擇若旱傷分數稍重必須選帥臣有才望者專一



措置施行臣惟今日所在有司得人甚少災傷地方復有貪苛之吏民何以勝光等所謂撫按體察者惟聖明留意右都御史吳廷舉等通民情曉吏治責任斯在固當追效古人伏望勅旨叮嚀而督勸之使於當職人負有賞格以待能幹有刑條以懲不職作新濟農之倉大舉惠民之政則齊民獲免於饑饉民不至於流徙流民不至于殍亡斯副朝廷好生之德一宋高宗時廖剛奏曰昔晉饑民乞糴于秦秦伯以問諸臣百里奚曰救災恤鄰道也行道有福鄭之子豹往秦請伐之秦伯曰其君是惡其民何罪于是乎輸晉之粟故後莫不以秦伯為有德于晉而

以晉之閉糴為負義夫秦晉敵國猶知通有無以拯其民  
孰謂一化之內乃欲分彼此耶昨歲旱荒所在不收今糶  
穀將浚民且艱食竊慮州縣官吏各私其民胡越相視而  
不相恤則老弱有溝壑之患而壯者聚為盜賊在朝夕矣  
欲望申戒諸路監司使之監察所部官吏毋得遏糴庶幾  
通融周急國無饑民臣惟今日荒孰相近地方有米願糶  
有錢願易商旅規利船裝車載有司正當招誘以通百無  
而州縣官各私其民彼路此郡有米去處遏不出境是豈  
臣子與國休戚之心朝廷一視同仁之義哉臣訪知  
各處為監司而遏亦間有之剛所謂通融周急者惟

聖明留意 勅下該部行撫按官今後有災地方召人興  
販無災州縣遇有隣郡米客收買許依市價平糶仍約課  
務不得邀租收稅則商旅皆願出于其途有無一通價值  
自減而饑或接濟矣 一宋孝宗時趙汝愚奏曰諸郡連  
歲旱傷流徙未定不可不厚有施惠以慰人情合將旱傷  
州縣人戶第四等第五等來年諸物稅錢盡數蠲放使彼  
無聊之民蒙被德澤預知嗣歲青黃未接之際免其催徵  
自然人情稍安不至失所臣惟今日重災地方百姓艱食  
已多流徙若不早加安慰彼戀土者亦將首鼠兩端待春  
徂夏日月尚遙豐凶之期豈能自定戶有負逋各懷憂畏

寧無相率而逃失業既眾羸弱者餓死溝壑強壯者聚眾  
為盜賊盜賊一起倖難計擒兵盜相尋邦國深禍汝愚所  
謂使彼預知免催徵者 聖明留意 勅下該部行撫按  
官于重災地方再行詢問分別等第先後奏 聞曠然垂  
恩以示諭之徵催既寬逃亡必少所在田畝不至拋荒鄉  
農安心布種自救其饑萬一更罹薄災可以不仰官司重  
為拯恤而將來公家租賦亦免失陷矣

全大信昭至公以惠窮民疏

張漢卿

臣聞之惟天立君將以惠民也惟君惠民所以奉天也古之人君制民恒產以安其居薄民稅入以藏其富孚之恩信以固其心謂奉天以惠民未聞仁人之言方布而輒已惠政徒善而復使窮民眈眈然有望而弗得焉此豈帝王致治之盛節哉臣等查得先該戶部題為傳奉事節該奉聖旨是畿內根本地祖宗朝屢有優恤禁例近年以來奸猾無藉妄將軍民田土指作空閒設謀投獻管莊官校人等因為乘機侵奪藉勢混賴橫征巧取百般剋害利歸群小怨在朝廷以致軍民失業盜賊生發朕在藩邸已

知其弊覽奏深用惻然便駕勅差科道部屬官各一員前去會同巡按御史親詣查勘徂自正德元年以後朦朧投敵及額外侵占的盡行查出各依擬給主召佃管莊人員盡數取回欽此仰惟 聖心軫念及此畿內之民罔不歡忻鼓舞以戴 離照之明思享太平之福矣聖帝明王至公至仁之政何以加此乃者給事中夏言御史樊繼祖主事沈希伊受茲 欽命會勘安州地方鷹房草場及涿州薰皮廠地土已明應該給主罷墾又該戶部俱各覆題相應准擬其冒昧奏辯之徒臣等又嘗據法駁之是衆見之明合輿論之公所以奉將 德意加惠窮民全 陛下之

大信也况 陛下即位以來畏天念民田獵鹽漚之事一  
切屏却則鷹房草場地土係民產豈照數還主係官場  
者宜盡數革去曾莊官校通行取回撥置之人各實於法  
戶部覆夏言等之章可行也及奉 聖旨這鷹房地土係  
先年舊有的都還照舊與他不必紊亂紛更欽此則鷹房  
之害民者固在也 陛下服御器物動遵禮度供辦取給  
各有司存則近年謬立薰及廠即宜革罷官廠內官郭添  
等并家人郭英等生事害人如戶部覆夏言等之請及奉  
聖旨這地土已有旨留用丁罷欽此則涿州受官廠人員  
之害猶前也臣等切惟去年之 旨惠念民窮可謂切矣

論下可謂公且嚴矣羣小乘機藉勢尅害軍民之情罪可謂無所逃矣今 綸音處分與前大異所謂信與公者安在乎小民至愚而神怨不在大治當慎微畿輔之人心誠不可重失而屢傷也 先帝之世群姦擅政蠱惑導誘積以歲年以致政荒民流天下離二談者至今以八黨為惡首馬永成既死矣谷大用止得降遣之罰有識者方以為恨况薰皮厥永成之所創立奪之平民勲舊之家而重取無名之稅今馬俊乃敢直蹈前惡妄奏免查其鷹房草場又谷大用受姦民李義所投獻以益脫脫黃玉之舊趾假名撒放海青其實私徵子粒而趙霜利踵姦轍賁緣仍舊



夫俊與羈以從龍之舊狎恩恃寵上行私無異前  
日馬永成谷大用之所為陛下又不深察且從而許之  
是前日畏天愛民之善政一變而成啓寵納賄之弊端  
王言不信于天下公道首壞于近習畿甸之民疑且不  
安橫暴之害久而益甚怨讟召水旱之災流移增盜賊之  
黨臣等謂馬俊趙彰朦朧奏辭眩惑聖明干預朝政  
敢拂公論律以祖宗之法該當深罪而不可緩其主謀  
撥置積年通同生事害人之人並宜鞫問以懲其後其原  
場并侵占軍民勲戚之地俱各罷革給主召佃以昭  
陛下至公至仁之法以蘇小民數十餘年之困况該戶部

逐一執奏委曲懇切誠欲宣布陛下惠民之德以副  
海宇之望陛下竟面答以已有旨了是通置不省無  
復聽納之意矣非所以勵臣等弘主德也臣等待罪該  
科事關職掌誠不忍陛下拂公論以徇私請失大信以  
貽民艱而傷新政之大體也伏望皇上詳察各官查  
勘之明俯從該部執奏之切法行自近罪倭與竊以懲妄  
奏欺蔽之姦今出惟行盡革鷹房草場薰皮廠等積弊以  
除勢要侵奪之患其管莊人員盡數取回投獻撥置生事  
害人之徒從重究治使恤小玩法之惡無所容庶厚澤  
而民惠恩大信全而至公昭矣

賑濟疏

唐龍

臣照得西安鳳翔等府所屬耀州等州三原等縣嘉靖十  
年分夏麥全荒秋禾又歉人民饑餓轉相嗷嗷待斃仰席  
聖慮憂惕靡寧發太倉銀三十萬兩特差臣前來賑濟  
夙夜皇皇體悉奉行不敢不至其任人立法審戶給銀各  
事宜已經會議施行及具奏外切念饑餓貧民如在水  
火之中必多方救之庶可全活臣又逖稽古典中酌政體  
下究民情旁采衆論裁定訓平糴蠲官逋寬私債節用度  
撫逃移審屯寨恤老羸收遺棄賑粥糜給醫藥瘞道殣戒  
浮費停勾攝禁閉糴重祈禱凡十五條俱已遵奉勅諭

便宜處置事理布行司府州縣示之以法守申之以訓言  
俾各分條詳實遵實舉行共濟民艱用廣德意但其間  
平糴減價五百石以上收養遺棄子女二十口以上者擬  
給冠帶榮身減價二千石以上者又擬表為義門是則非  
臣之所敢專者例該奏請伏望皇上俯念救災恤民  
難拘常例勸義勵俗合用殊格乞勅該部查議覆奏特  
賜俞允俾臣得以遵奉施行地方幸甚等因奏奉聖  
旨該衙門便看了來說欽此該戶部議得救災恤民難拘  
常格今欲勸民有粟之家減價糴賣收養遺棄子女請給  
冠帶榮身表為義門所為激勵人心具見本官上體皇

上一念愛民之仁下全赤子百死一生之命濟困扶危委曲周至誠為良策相應依擬合候 命下本部移咨總制陝西三邊軍務管理賑濟兵部尚書唐龍將後開條陳事宜通行所屬各該掌印官員逐一着實舉行如有富室義民將所積粟糧每石減價一錢糴至五百石以上者或能收養遺棄子女二十口以上者俱給與冠帶榮身至二千石以上者奏 請表為義門有司以禮相待謹具題奉 聖旨是救荒事宜都依擬便着唐龍通行所屬着實舉行訓平糴 貧富相周有無相濟此隣里之義也今被災饑民 朝廷給銀賑濟已有更生之望矣各州縣官員務

要善言戒諭富室將所積粟來先扣本家食用數足其有  
餘者照依時價糶與饑民以救其死若每石肯減價一錢  
尤見尚義減價百石以上者官犒以羊酒給尚義大字一  
幅二百石以上者加紗一疋三百石上者加段一疋羊酒  
大字俱如前給五百石上者臣具 奏給冠帶榮身二千  
石以上者奏 請表為義門不願減價官勿以強但訓行  
平糶之法共有擅富要利坐視民饑不與平糶者是為姦  
民之首里老舉呈饑民告發官發銀兩儘數糶運上倉仍  
問重罪不貸 蠲官逋 饑民未納賦役官錢俱各停免  
若里老人等指稱拖欠奪取賑濟銀兩者許饑民鳴告將

里老解赴臣處從重問罪 寬私債 饑民得銀止勾延  
喘而已若富豪恃強挾逼賑濟銀兩以償私債者饑民鳴  
告將恃強之徒用八十斤重枷枷號從重問罪仍加倍追  
給銀補饑民凡民間私債俱候年豐漸以理還 節用度  
貧民給銀有限縣官切戒之務令各節省度命但日得  
粥糜四五盃聊以延喘足矣毋使買酒買肉一時費盡以  
致來日不繼饑餓而死悔將何及 撫逃移 民之於土  
猶鳥之於木荒歲逃移豈其得已凡我良有司遇諸被災  
人民逃出外境者務曲意招集俾各復業倍與賑濟銀兩  
所缺牛種俱官給之官不能給須勸借於有力之家借種

一石收後令還一石一斗借牛工一日令還人工二日若他處有逃來我土者亦要一體存恤安插得所俱是朝廷赤子若分彼此大非仁人君子之道仍將招撫過復業人戶姓名數目呈報查考 審屯寨 軍民一體各該災重州縣多坐有西安等衛及鳳翔千戶所屯寨其間軍餘極貧次貧丁口從公查審一同百姓賑濟 恤老羸 隆冬時月老羸之人尤不耐寒饑民內年七十以上者州縣官添給布一疋就動支庫內無礙銀兩收買仍具動支銀兩數目及給過姓名呈報查考 收遺棄 凶荒之年多有遺棄子女州縣官務要設法收養俟歲熟訪而還之母



令失所若民家能收養四五口者犒以羊酒給尚義大字一幅八九口者加紗一疋十口以上者加段一疋羊酒大字俱如前給二十口以上者臣具奏給與冠帶榮身賑粥糜富弼言州牧荒專主煮粥而今主於給銀民皆稱便但乞丐之人因踏道路哀哀無所之時非粥不能全活州縣官各於養濟院設一粥廠支預備倉糧選委二三殷實老人輪日煮粥以給乞丐就食者朝暮各一次至麥熟而止具支過預備倉糧數目回報查考給醫藥饑餓之後病疾乘之州縣官量支無礙官銀收買藥物標給善醫者分鄉設局榜示疾病之人聽其取療不許勒索藥

錢用過藥物尤要稽考毋令剋落 瘞道殣 掩骸埋胔  
仁政所先州縣官嚴飭地方人等凡有道路及城郭田野  
與溝壑遺有餓殍屍軀即便登時掩埋無致暴露殘毀以  
傷和氣違者官以虐民罷黜不貸 戒浮費 官司用度  
皆取之里甲里甲之中饑民居多自後官司務宜節省用  
度凡無名酒席與支應饋送及一切浮費俱一一停罷則  
里甲不至靠損而饑民亦得以濟矣 停勾攝 勾攝最  
為擾民災傷之時尤非所宜即詞訟除強盜人命外其餘  
力婚田產及一切小事俱暫停受理免得差人下鄉騷擾  
以重民之殃 禁閑雜 山西河南湖廣三省原奉 勅

諭俱許臣兼制已經奏行各布政司轉行各該守巡道及  
該府州縣遇有陝西人民往彼處糴買米麥及彼處之人  
搬運米麥前來陝西糴賣者俱不許恃強之徒遏閉攔截  
致令饑民艱食用妨朝廷德意救災恤隣之道固如此  
竊敢有違犯者許赴所在官司具告即為轉呈臣處以憑  
嚴懲然究提問不貸重新禱旱乾水溢交修乎人而  
崇禱於天荒政之大者即今旱熯復熾麥苗已種者十之  
三四未種者十之六七而況已種者復有枯槁之漸可畏  
也已為民父母何以為心州縣官各務省滌愆尤修明政  
事及汎潔壇場竭誠祈禱務期雨雪霽足庶幾已種之麥

苗可活其有未種者亦可補種豌豆大麥等項民其有瘠  
矣

輿地類

議天下郡縣繁簡疏

楊博

伏覲 詔書內一欵各處府州縣大小繁簡中僻難易不同或逸而得譽或勞而速謗既乖黜陟之宜遂啓趨避之巧士風日壞吏治不修吏部通將天下府州縣逐一品第定為上中下三等遇該推陞選補量才授任各官考語獎薦同在優列者先儘上等府州縣陞擢行取次及中等次及下等不惟視等以為歲月之遲速仍視等以為官資之高下內有以才優才短更調者各就中酌處之欽此欽遵隨將天下府州縣大小繁簡中僻難易細加查訪逐一品

第又通行各處撫按官分別開報今已查理完備呈乞具  
題案呈到部臣等切惟吏治不清則士風日壞即如郡縣  
向來不分繁簡冲僻難易則勞者無所勸逸者無所懲避  
繁求簡避冲求僻避難求易勢所必至以致緊要難治地  
方缺人整理日漸廢弛頃雖漸次剗革然必法有畫一方  
可行之經久 皇上登極之初首念及此可謂仰體天心  
洞察民隱深得帝王之大經大法矣臣等奉行 綸音不  
勝踴躍其于各處地方今止備核民情未暇蕪論形勢大  
率以邊方殘破遠方困備盜賊猖獗災沴頻仍冲繁難支  
刁疲難治為上稍易者為中易者為下每省總括數語以

原缺

有威者不能安於其職江以北廬為善地楊冲而俗侈淮  
安轉漕煩劇特甚鳳陽地廣大荒與淮北一帶不困賦而  
困役徐邳俗悍業鹽水陸孔道州邑疲敝一望蕭條不當  
以江北簡易例也 一浙江臣等謹按兩浙當天下財賦  
之半頃歲倭夷陸梁東則寧紹溫台西則杭嘉湖諸郡邑  
橫被蹂躪以故增兵置師加賦給餉視昔數倍近方稍寧  
議者即欲罷兵輟餉海上卒然有警不知何以應之况定  
海係倭夷入貢之道尤為兩浙門戶懷安懷之遠圖者  
奚容以一日忘備哉至於杭嘉湖地饒多利俗尚紛華賦  
役不均逋負日多救弊補偏誠為急務處州依山盜礮黨



與本衆且與衢嚴徽州之寇聯踪哨聚時肆剽掠義民  
俗獷悍竄名兵籍散無所歸恐生他變先事預籌不可不  
加之意也 一江西臣等謹按江西介吳楚閩廣之間土  
薄民勤俗尚儉嗇頗稱安樸南昌省會冲繁吉安健訟奸  
猾至於蒙右掣肘田糧逋負則二郡同也南贛密邇閩廣  
巢寇時發而贛當其冲故軍門兵備叅將在焉饒州南枕  
彭蠡九江東據上流江湖水寇四出為患而饒郡內有藩  
封邑多頑梗瑞州地狹民頑撫州訟繁多盜袁州臨江建  
昌廣信頗稱饒庶第袁州界湖水寇當責撫臣南贛山寇  
當責督臣有司又能輕徭薄賦養而教之瘠土勞瘁之民

庶幾其有瘳乎

一福建臣等謹按福建僻在南服昔稱

沃壤頃緣島夷

八犯山寇內訌地方荼毒極矣大抵福興

泉漳以海為襟

習獷悍而月港海滄詔安漳浦同安福

清等縣則為澳渤

要害延建邵汀以山為枕民多負固而

上抗永定大田永

安松溪北澤等縣則為逋逃淵藪福寧

居通省上游八閩

喉舌南輿係廣閩交界倭寇巢窟地勢

民情尤難控制

且閩中地狹民貧殘傷之餘錢糧無措窺

伺者未已兵食之計

不可緩也反側者未安綏靖之方不

可後也端本澄源

補偏救弊全賴有司而風勵激勸則又

係乎撫鎮諸大吏焉

一湖廣臣等謹按湖廣襟帶江湖

澤多田少民俗慆慆恩積聚且道通九省冠蓋輻輳郵驛苦之即今宗室日繁徭賦日重採辦之後財力愈難故其民率此窳而難治此其大較也武漢德安民窮地瘠承天 陵寢所在費冗事繁荆岳潛沔之間頻遭水患盜且乘之近日鄖襄大水去歲捐田廬則又向來未有之變長沙地雖稍沃稅田甲於他所黃州澆頑常德困憊辰沅半為賊穴麻陽溪洞諸蠻連結永保每肆劫爭去歲支羅之害實緣於此衡永僻饒鄙陋簡靜庶幾可為然已非復曩時比矣加志窮民者其當以援拯之策乎 一廣東臣等謹按廣東介嶺海間昔稱金甌富庶地遠法疎官多黷貨以

致山海諸寇聯踪哨聚師旅繁興民之殘疲既極而廣西  
兵餉又全仰給近增巡撫雖稱得策方在經始故廣潮惠  
肇南韶諸郡盜熾事繁遠用守令為急雷廉高瓊諸郡民  
淳務簡稍為次之至于擇海道副使以備諸夷擇嶺南兵  
備以防山寇擇屯塩僉事以修舉屯政講求塩法庶幾南  
粵有息肩之日乎 一廣西臣等謹按廣西當嶺南右偏  
幅員甚廣 國初以桂林為省會肇建靖藩于時編氓稀  
少招徠墾荒歲久蔓延田土半為侵占粮額日減宗人日  
繁祿糧軍餉支給不敷昔惟府江五百餘里夷獠阻灘為  
患潯州大藤等峽諸蠻巢穴其間阻安西延陸峒與武岡

接壤為徭盤據又柳慶以西八寨者稱盜藪耳今則珠連  
繩貫在在有之如古田洛容荔浦思恩懷柔等縣為其蚕  
食將無民矣寔以官多降調惟事誅求以致土官驕橫民  
散徭盛越城劫庫戕害方面豈一朝一夕之故哉故邊方  
之官非才不足以戢亂非守不足以服人非久任不足以  
諳土俗而識物情斯乃謀國者任人之責也 一河南臣  
謹按河南為諸夏中區向稱樂土近以 宗室日繁黃河  
歲徙祿粮工役勞費不貲民始不堪命矣開封河南衛輝  
懷慶彰德五郡衝煩雖同彰德間于趙魏軍民雜處牽制  
尤甚歸德地聯數省統轄非一宿姦大猾時發首難之端

南陽疲弊且多礦盜殷富則滋弊為優勁強則河洛為寇  
是故潘祿軍需均常規筭第恐皮盡而毛無所附方來之  
患難言者保釐大臣其蚤夜慎圖之哉 一山東臣謹  
按山東齊魯舊域海岱區濟京東忠在役重其民頑輕  
於流移青登萊忠在賦煩其民悍敢於武斷濟南雖稱沃  
壤而武瀆霽浦一帶即古廣斥之地一望白茅兗州水陸  
之冲且 宗藩河工勞費不貲至于沂費郯滕則荒落甚  
矣東昌青州差有可觀均非昔比登萊地本瘠鹵舟車不  
通雖值富歲猶多逋負大率濟青依山多礦盜萊登頗海  
多盜徒臨淄之間多姦俠單曹之境多妖民保釐大臣實

心緩輯之外又不可不銳意於防練矣。一山西臣等謹  
按山西大同府逼臨虜穴最苦侵暴太原府屬如興晉嵐  
保河一帶虜一大舉輒入其境斷烟宿莽蕭條甚矣汾州  
宗藩不畏國法頗為地方之害潞遼環列大行上下  
谷深林密盜時竊發往歲青羊山之事可為鑒也平陽雖  
稱富庶其實止蒲絳临汾太平襄陵曲沃翼城差有可觀  
地震之後則亦大不如昔矣是故休養內地之民使之裕  
於供邊乃一方保釐者之責否則割肉充腹立見其斃可  
嘆也矣。一陝西臣等謹按陝西內綜八郡外控三邊吏  
茲土者牧且蒞即焉責誠難矣西鳳漢中稍稱饒裕百需

給你供應頗難延慶平涼臨鞏逼近邊陲廣之入無論資  
產鋒鏑死傷之患獨先嘗焉三邊視諸郡尤衝而勢不相  
貫故甘肅星懸於河外寧夏株保於橫城榆林一望虜幕  
千里餽糧獨其人輕生敢戰相恃無恐頻年更番入衛耗  
亡半矣墮城殞將蓋有由然又其甚者固原為開府調度  
之衝重兵屯戍自去秋敗績之後懸賞選募至今銳士尚  
不滿千若虜襲獲養直驅踐汧隴薄涇邠窺三輔特再晝  
夜力耳鳳汚之墟夙多回種而無良亡命者又多逃匿其  
中立俟風塵鼓煽而起腹心之患其將大乎是故有牧帥  
之責者所當觀釁而預圖也 一四川臣等謹按四川西



南粵區上則松茂建昌番夷時肆侵暴下則搆酉石砧土  
司互為劫掠控制消弭非一朝可圖者也成都素稱沃野  
賦重役繁供億稱訕叙州地饒而高拱諸夷兵費不貲且  
大木多產其境採辦之擾商民殘疲重瘼土寇連結施州  
諸夷虔劉未已而妖人內訐受惠尤烈保順衝疲民朴務  
簡馬湖僻小民夷相安龍安新造全在經大抵蜀地夷漢  
雜處氣習靡淳地里遼邐巡歷難遍加以大木之困大兵  
之殘民貧多盜勢使然也事在撫按廣于咨詢司道勤于  
躬歷督率有司持廉省費愛養撫綏數年之後或者蜀其  
有瘳乎 一雲南臣等謹按雲南遠在西南漢夷雜沓無

事則互為鴛鴦積弊然也所屬如雲南臨安大理永昌鶴慶楚維足稱沃壤曲靖為入滇之路供億惟艱武定常新造之區安輯為要元江景東麗江姚安北勝鄧川霑益諸夷其情叵測鎮巡同心恩威兼濟方可稱治至于旌別庶官責在監司撫字百姓責在守令惟求得人而已一貴州臣等謹按貴州初屬四川行都司永樂年間始建省治官則流土相參民則漢夷雜處不當中土一大縣一線之路外通滇南官軍月糧仰給川湖二省黎平寄治湖廣五開衛銅仁僻處萬山逼近苗穴都勻程番與廣西接壤土酋仇殺素稱難治鎮遠湖廣之衝面水背山險頗足恃恩

州石阡孤懸一隅勢可隱憂惟思甯城下有江足通舟楫  
商賈行旅比之他郡不甚蕭條大抵貴州開為雲甯無貴  
州是無雲甯也內安外攘其撫鎮大臣之責哉

傳奉勅諭查勘畿內田地疏

林俊

節該欽奉 勅諭順天等八府係是畿內根本重地朝廷累有優恤禁例近年以來奸猾無藉之徒妄將軍民田地指作空閑設謀投獻奏改皇莊管莊官校人等因而乘機侵奪藉勢混賴橫征巧取百般刻害以致軍民失業朕深惻然茲特命爾與山西道監察御史樊繼祖戶部主事張希尹公同查勘先行撫按衙門選委官員分投查審明白爾等即便前去會同各撫按官照依戶部先後題准事例親詣各府地方用心覆勘凡正德元年以後各項莊田但有朦朧投獻及額外侵占者盡數查出各依擬給主召佃

管莊人員盡數取回仍差管屯僉事兼帶督理該徵租稅  
照依原定則例折收銀錢原係皇莊者解部類進及皇親  
功臣者解部關領不許自行收受亦不許佃戶人等拖欠  
其莊田內有成化弘治年間姦徒投獻者一體查勘各該  
府州縣衛所衙門官員人等文職自知府以下武職自指  
揮以下但有事體相干者悉聽督委調用公勤幹濟者從  
公旌舉敢有玩法廢事及軍民勢豪人等不服拘管恃頑  
沮撓或姦猾刁徒乘機混賴或貪官餌賄枉法欺弊者五  
品以上并勲戚指名叅奏六品以下徑自拿問重治中間  
事情有該載不盡有益於國家有利於軍民者悉聽會同

從長議處輕則徑自施行重則具奏定奪爾受茲委任須  
秉公持平悉心查理務使積弊盡革官民兩無虧損毋得  
徇情畏勢徒具虛文自貽咎責爾其慎之慎之欽此除欽  
遵外先為前事准兵科等衙門關劄該戶部左侍郎秦金  
等題查得先為 開讀事伏覩 詔書內一款京通二倉  
水次倉皇城各門京城九門各房倉場各皇莊但係正德  
年來額外增添內臣司禮監照洪武初年例查奏取回欽  
此又該禮科給事中底蘊奏為應 詔查處 皇莊事奉  
聖旨該部看了來欽此該本部議擬題奉 欽依轉行  
各該撫按衙門選委官員查勘去後既而兵部又稱差管

皇莊內臣官校數多移咨勘報等因到部臣等益加駭  
愕竊惟京師者天下之本而畿甸者又京師之輔也  
畿甸之民安則天下之民舉安歷觀前代之主無不以京  
師為重者我太祖高皇帝以應天等處為興王之地特  
將夏稅不時全免太宗文皇帝建都北平恪守成憲撫  
綏畿甸安輯人民列聖相承益隆無替天何正德元年  
來奸猾無藉之徒多將畿內逋逃民田投獻左右近倖之  
人奏為皇莊况管莊內臣又憑城狐社鼠之勢而收租  
官校即係設謀投獻之人出入往來肆行無禁千方百計  
巧取橫征小民無所措手有司莫敢誰何而皇親國戚

功臣人等莊田亦皆散布其間乘機侵奪借勢混賴往往有之幸賴陛下聖明入繼大統舉百弊而一掃之故有前項裁革管莊內臣之詔有以仰見陛下強本制末居重馭輕之盛心矣旬月之間仍復有此傳奉復許皇莊責令私人管理不意聖政維新之初乃復有此厲民之漸伏望陛下垂念畿輔根本重地將近日傳奉皇莊官店事理收回成命又看得查勘事宜干係重大必須差科道部屬官員假以事權公同查勘庶幾克濟等因題奉聖旨這畿內根本重地祖宗朝屢有優恤禁例近年以來姦猾之徒妄將軍民田地指作空閑設謀投獻管



莊官校人等因而乘機侵奪藉勢混賴橫征巧取百般尅  
害利歸群小怨在 朝廷以致軍民失業盜賊生發朕在  
藩邸已知其弊覽奏深用惻然便寫勅差科道部屬官  
各一員前去會同巡按御史親詣查勘但自正德元年以  
後朦朧投獻及額外侵占的盡行查出各依擬給主召佃  
管莊人員盡數取回著管屯倉事兼管督理該徵稅糧照  
依原定則例折收銀錢原係 皇莊的解部類進係 皇  
親功臣的赴部關領不許自行收受亦不許佃戶人等拖  
欠不還欽此欽遵隨該臣等題為查處田土事奉 聖旨  
是先著撫按衙門選委官員上緊分投查審明白你每還

去會同撫按官親詣覆勘務使積弊盡革官民兩無虧損  
戶部知道欽此欽遵等因到部備行前來臣等除遵奉

勅諭親詣順天等府州縣會同前巡撫順天等府地方都  
察院右副都御史李昆今接管右副都御史孟春并巡撫  
保定等府地方都察院右副都御史周季鳳前巡按直隸  
監察御史王琳宋鉞今接管監察御史郭楠選委官員分  
按親詣各該地方拘集地鄰并該里老人等嚴加查勘去  
後續據順天等府經歷司各將委官治甲等官王槐等查  
勘過各該州縣原額莊田并投獻侵占額外軍民地土各  
項畝數目及取具業主召佃人戶退認供結領狀緣由造

冊呈繳前來臣等覆勘相同除將成化等年奸民馮大經等投獻侵占地上隨就斷給原主管業有罪人犯案行該府提問依擬發落未到者照提歸結及將查過緣由備造文冊奏繳外切照臣等猥以菲才誤蒙委任奉命以來按行八府閱歷三時仰布明恩俯詢民瘼凡係成化弘治及正德年間皇莊及皇親功臣莊田但係奸民投獻勢要侵占者逐一盡數查出給主召佃還官歸民一切遵照勅旨施行所據查勘過順天等府地方各項莊田地土共計二十萬九百一十九頃二十八畝退斷侵占過民地共計二萬二百二十九頃二十八畝數十年來勢家

豪戶隱占之地一朝始得清明數千里內小民流離困踣之苦一旦少得甦息閭閻之下莫不歡忻鼓舞歌頌太平此實恭賴我皇上如天之仁好生之德思王業之本念小民之依維新之政莫有大於此者宗社萬年之基端在是矣而臣等何幸得以此藉手獻忠於陛下但臣等區區犬馬之忱尚有進於是者不敢不極為陛下陳之惟陛下俯垂聽焉臣等伏聞農桑者天下之本土地者民食之源古者四民各有常職而農者十居八九故衣食足而民無所困苦故周官太宰以九職授萬民而首曰三農大司徒頒職事於邦國都鄙以登萬民而一曰稼穡自

古帝王之治天下蓋莫不以土地農人為重也三代之制不可復已自秦人廢井田之後田不在官而在民是以貧富不均穀祿不平一時識治體者固不興慨歷代以還英君賢佐凡有志於仁民愛物者莫不隨時漸為之制如限田之議均田之法口分世業之制要皆良法美意而一時人賴其慶至今猶可稱述洪惟我太祖高皇帝立國之初檢覈天下官民田土徵收稅糧具有定額乃令出河東南地方額外荒地任民儘力開墾永不起科至我宣宗皇帝又令北直隸地方比照聖祖山東河南事例民間新開荒田不問多寡永不起科至正統六年則令北直隸

開墾荒田從輕起科實於祖宗之法畧有背戾至景  
皇帝尋亦追復洪武舊例再不許額外丈量起科至今所  
當遵行所以然者蓋緣北方地土平夷廣衍中間大半濕  
鹵瘠薄之地葭葦沮洳之場且地形率多窪下一遇數日  
之雨即成淹沒不必霖潦之久輒有害稼之苦祖宗

列聖蓋有見於此所以有永不起科之例不許額外丈量  
之禁是以北方人民雖有水潦災傷猶得隨處耕墾以幫  
助糧差不致坐窘衣食夫何近年以來權倖親暱之臣不  
知民間疾苦不知祖宗制度妄聽奸民投獻輒自違例  
奏討將畿甸州縣人民奉例開墾永業指為無糧地土一

縣占為已有由是公私莊田踰鄉跨邑小民恒產歲朶月  
削至於本等原額徵糧養馬產鹽入站之地一例混奪權  
勢橫行何所控訴產業既失糧稅猶存徭役苦於並充糧  
草困於重出饑寒愁苦日益無聊展轉流亡靡所底止以  
致強梁者起而為賊盜柔善者轉死於溝壑其巧黠者則  
或投充勢家莊頭家人名目資其勢以轉為良善之害或  
匿入海戶陵戶勇士校尉等籍脫差徭以重困敦本之人  
凡所以感民命脉竭民膏血者百孔千瘡不能枚舉是豈  
古今帝王治世之道是豈祖宗列聖立國之法臣等  
查得各 宮莊田 祖宗以來未之有也惟天順八年以

順義縣安樂里板橋村太監吉祥抄沒地一處撥為宮  
中莊田其地原額十頃一十三畝初吉祥占過軍民地  
二十四頃八十七畝共三十五頃立莊今次查勘又占過  
民地四十頃見在共七十五頃此則宮闈莊田之始而  
數十年間侵占之數過於原額已十倍也舉此一處其他  
可知至成化年間惟增寶坻縣王漣營莊田一處原係會  
州衛草場弘治年間止增豐潤新城雄縣莊田三處至弘  
治十八年十月乃孝廟升遐之後先帝踐阼之初一  
月之間建立皇莊七處曰大興縣十里鋪皇莊曰大王  
莊皇莊曰深溝兒皇莊曰高密店皇莊曰石漣營皇莊曰



六里屯皇莊曰土城皇莊自此之後設立漸多而皇莊之名始著其在昌平州則有蘇家口皇莊在三河縣則有白塔皇莊在真定府寧晉縣則有鋪頭村皇莊大劉村皇莊在隆平縣則有大灰窯皇莊在新河縣則有僊汪莊皇莊在南宮縣則有南莊村皇莊此皆正德元年之新設也又東安縣則有南葛里皇莊寶坻縣則有李子沽皇莊通州則有神樹皇莊武清縣則有灰蝎口皇莊王慶陀皇莊靜海縣則有四當口皇莊此皆正德二年之所設也至正德四年則立大興縣三里河皇莊二處正德五年則立六里屯皇莊一處正德七年則立武清縣尹兒灣大黃莊

莊二處正德八年則立昌平州樓子村皇莊靜海縣衛河  
兩岸皇莊青縣孫兒莊皇莊保定府安州驕馬廟皇莊清  
苑縣閭莊社皇莊正德九年則又立安肅縣龍花社皇莊  
數年之間設立皇莊如此之夥共計占地三萬七千五百  
九十五頃四十六畝然皇莊既立則有管理之太監有  
奏帶之旗校有跟隨之名下每處動至三四十人其初  
管莊人員出入及裝運租稅俱是自備車兩夫馬不干有  
司正德元年以來權奸用事朝政大壞於是有符驗之  
請關文之給經過州縣有廩餼之供有車兩之取有夫馬  
之索其分外生事巧取財物又有言語不能盡者及抵所

轄莊田處所則不免擅作威福肆行武斷其甚不靖者則起蓋房屋則駕搭橋梁則擅立關隘則出給票帖則私刻關防凡民間攆駕舟車放牧牛馬採捕魚鰕螺蚌萑蒲之利靡不括取而相鄰地土則展轉移築封堆包打界至見畝徵銀本土豪猾之民投為莊頭撥置生事幫助為虐多方括剋獲利不貲輸官闈者曾無十之一二而私入囊橐者蓋不啻什八九矣是以小民脂膏吮削無餘由是人民逃竄而戶口消耗里分減併而糧差愈難卒致輦轂之下生理寥遂閭閻之間貧苦刻骨道路嗟怨邑里蕭條向使此弊不革將見數十年後人民離散土地日蹙盜賊蟻

起姦雄藉口不知 朝廷何以為國此可為太息流涕者  
也茲者幸遇 皇上天縱仁智入繼 大統冀在 潛邸  
已知其弊 即位之初首下 明詔將管莊人員盡數革  
回乃者復采大臣之議委臣等以查勘前項地土草萊之  
下始得披雲霧而覩青天脫水火而就衽席矣但伏讀  
勅旨猶有曰係 皇莊者解部類進臣等竊有疑焉然未  
經查勘之前臣等雖知其害而不知其創設之由為害之  
實不敢冒為 陛下言之今以臣等前所披瀝實出見聞  
之真 陛下固當惻然於中亟圖所以處之矣而況 陛  
下聰明廣覽蓋已先得於 龍潛之日又有不待臣等諄

諄者乎臣等竊謂普天之下莫非王土有若曰百姓足君  
孰與不足且天子藏富於民今四海九州之貢賦山林川  
澤之物產凡所以納之司農輸之內帑何者而非所以奉  
陛下一人者乎孟子曰尊親之至莫大乎以天下養又  
何者而非所以奉 重闈 慈闈四宮者乎 祖宗以來  
宮闈一切公用自有成規况 九重之內錦衣玉食何  
欲不遂顧可屈 萬乘之尊下同匹夫以侵畎畝之業辱  
宮壺之貴雜於閭閻以爭升斗之利其何以示天下訓  
後世也哉且自古人君未嘗有此漢宣帝嘗以池臺未御  
幸者假與貧民漢元帝嘗以公田及苑賑業貧民未聞古

民地土以為 皇莊也且 皇之一字加於 帝后之上  
為至尊莫大之稱今奸佞之徒假之以侵奪民田則名其  
莊曰 皇莊假之以罔求市利則名其店曰 皇店又其  
甚者假以阻壞鹽法則以所販之鹽名為 皇鹽即此三  
者足以傳笑天下貽譏後世仰惟 陛下躬堯舜之資舉  
文武之政何不一切掃除之乎若此三者名跡猶存實足  
以累 陛下大有為之政甚非臣等所望於 陛下者也  
如蒙 聖慈俯察愚忠深惟國本乞 勅該部查照臣等  
勘報文冊將在京附郭大興縣地方各宮莊田原不係占  
奪民田不滿數十頃者請一切改為各宮親蠶廠公桑園

等項名額 勅令有司種植桑柘以備 宮中蠶事蓋古  
者天子親秉耒以耕后妃親桑以供郊廟之服後世漢文  
帝景帝皆詔皇后親桑以供祭服為天下先乃者改元之  
春臣等恭覩 陛下躬耕藉田既以身先天下矣茲者恭  
遇 皇后殿下配德之初正位之始所宜恭履勤儉以率  
天下而親蠶之禮實為我 朝百年缺典誠願 陛下大  
賜建興充配 皇祖特 勅禮部詳考禮經月令祭統祭  
義等篇斟酌古今具 皇后親蠶儀以進待明年季春之  
月擇日舉行播告天下此誠帝王之高致后妃之盛節閭  
門風化之首而王業之根本也將見風聲感動德教流行

勇勸於耕女勸於織海內富庶之效不患不文帝若矣而  
曠代之典又不足以為萬世之美談也哉其餘一應莊田  
遠在各府州縣動以千百頃計者臣願 陛下一切弛以  
利民或勒歸戶部造入版籍令民照舊輸納以為在官地  
土不必更屬 宮闈然後 陛下明降諄切之旨榜示中  
外盡削 皇莊及各 宮莊田之名一洗 累朝之弊永  
垂百代之庥萬一以為 宮中常年供用不能頓缺敢乞  
著為定例令戶部每歲進納上供銀兩若干分進各  
宮以克支用却為光明正大不傷大體何必虛受莊田之  
名貽小民之害而示天下以自私自小也哉昔賈誼勸漢



文以興起禮樂而文帝謙讓未遑千載之下賢者惜之臣等仰見 陛下聰明仁聖至性天成堯舜之事蓋所優為此事甚順而易特在 陛下少留聖意轉移間耳若舍此不圖臣等以為不惟不免賢者之惜殆恐不能不貽 宗社將來無窮之憂伏願 陛下亟召輔弼大臣相與熟講而力行之臣等不勝大願至於 皇親功臣 欽賞莊田臣等復有一得之愚又不敢不重為 陛下言之查得洪武初年公侯駙馬伯祿米皆給官田今量原定官糧私租之數依主佃分數收取至洪武二十五年令公侯伯皆給祿米論功定數舊賜田還官竊謂洪武初年乃 聖祖甫

定天下干戈百戰之後海內人民喪亡累盡土地有餘彼  
時封為公侯伯者又皆一時翊運佐命元臣比今之戚畹  
恩澤封拜者萬萬不同况以有餘之地賜有功之臣其在  
聖祖宜乎析土壤以施恩賚亦無不給胡乃給祿之後  
而原賜田土急令還官誠以土地乃農業所資實為國家  
之大本而仁君所賴以為國者也蓋古之有田祿者各食  
其田之所出以為世祿今既官給之祿柰何又與之田是  
重出則過制矣此 聖祖之意也然功臣之中勲勞大者  
至今仍有莊田不過數家查得管業已定侵占亦少惟是  
近年以來 皇親侯伯憑藉寵暱奏討無厭而 朝廷眷

顧優隆賜予無節其所賜地土多是受人投獻將民間產業奪而有之如慶陽伯受奸民李政等投獻奏討慶都清苑清河三縣地五千四百餘頃如長寧伯受奸民魏忠等投獻進討景州東光等縣地一千九百餘頃如指揮僉事沈傳吳讓受奸民馮仲名等投獻進討滄州靜海縣地六千五百餘頃以致被害之民構訟經年流離失所甚傷國體大失群心今臣等仰遵 勅旨既已退給明白然非賴 聖明在上地方惟害何有窮已今雖亟加扶救而傷殘已多伏望 陛下特 勅該部除功臣家外將 累朝皇親侯伯受賜莊田據臣等勘報文冊通融數目多寡定

為中制量給養贍其過多者一切裁損以還之官要使恩澤適均將來可繼不然國家萬萬年無疆之緒 皇親駙馬日見增加彼此援例爭相希恩必須各滿其願雖盡割畿甸之田有所不給是豈可不為國家久遠慮哉惟陛下熟計再照臣等查勘過各項田土數目並是退給侵牟開豁荒蕪覈實之數比與先年妄報投獻奏討原數不同乞 勅該部查照一以新冊為定移出所給由帖執照以便徵收再照 祖宗累朝儘力開墾永不起科之例歷年滋久上下蔽於不知是以奸民敢以投獻勢家昧於奏討又訪得山東河南等處奉例開墾之地亦多近年以來亦

有奸猾之徒往往投獻王府及諸勢要之家其勢與畿甸之弊大抵相合伏候勅旨將皇莊及各皇親莊田大賜處分之後一併出榜頒示該省地方仍行撫按衙門一體差官查明再乞通行天下今後再有奸民故違舊例將民間田產投獻王府及諸勢要之家占奪至百頃以上者處以極刑全家移出化外則法重而人不敢犯恩溥而民得安生臣等區區忠悃言已盡矣意已竭矣所冀陛下丕承祖宗萬年鞏固之基聿開中興千載熙明之運念京師根本之重知小民稼穡之艱厲精圖治約已裕民則太平之治可坐致矣臣等冒昧進言無任殫越

伏惟陛下留神省覽斷而行之宗社幸甚生民幸甚

# 河渠類

議處黃河疏通運道疏

霍韜

內閣臣前月過徐州聞建議引河水自蘭陽注于宿遷少  
殺河勢臣與少詹事方猷夫議水溢沛猶有二洪束捍所  
山環列若蘭陽注宿遷則鳳陽歸德平地溢決恐數郡一  
壑第聞時有定策不及竟言今聞愈溢則前議猶宜言之  
先通運道後處水患此緩急之序也前議起夫疏濬然沙  
沉隨水勢無限極今運舟皆由昭陽湖入若沿湖側畔築  
砌長堤濬為小河河口為閘以時畜洩目前運道可以無  
阻較之後夫濬淤勞佚大不侔也近山東僉事江良材到

京臣與面議亦曰此策一時之利也前議疏濬蘭陽不若  
疏通衛河上接黃河可得三利三代以前黃河東北入海  
定內全氣隨而踵襲我太祖定鼎神京宇內全氣一旦  
千萬年而獨盛今圖便宜之策自河陰懷孟之間審勢引  
河注于衛河至於臨清天津則不惟徐沛水患可殺一半  
而京師形勢亦壯一倍此便利一元人漕舟淑江入淮  
至淇門入御河達於京師御河即衛河今由河陰原武  
導河注衛水平由江入淮至天津水迅仍由徐沛至于天  
津是一舉而得兩運道也此其為利者二水流行于地猶  
血運行于人身今河水注于徐沛潰決猶血注于下為



孟津疏一支于海猶血運于肘股州郡疏為溝洫引水猶

血運于

陝西沿道秦漢故跡修復則內資灌溉

外禦

頭顧臣聞今大學士楊一清云陝西

沃壤

而初三邊軍餉不煩饋運又聞副使

周用

臣等可備旱潦亦可杜禦戎馬一年

創始三

其成臣謂此策果行不惟可治

河患山東河

縣轉疲敝為富饒矣期十年之

力

聖德神功配天

勅下該部詳議臣等

惟聖明省覽

題請

臣等

曆律經

正曆元以定歲差疏

華湘

臣自昔聖王承天御極必以治曆明時為先蓋乾坤奠位之後四時七政隨天而運寒暑之代謝為歲虧盈之正易為月晝夜之環轉為日經緯之錯列為星辰步筭之周審為曆數而王者曆數所在也故能奉順陰陽時以作事事以後生而世治時苟不明晦朔弦望失其節分至啟閉乖其期違留伏見爽其候則攝提失方蟄蟲不伏無以諧決生靈而災荐至矣曆之明否治忽隨之聖王所以必慎焉然曆之來由黃帝而訖秦末凡六改也由漢高祖而訖

秦末凡五改也由魏文帝而訖隋末凡十三改也由唐高祖而訖周末凡十改也由宋太宗而訖宋末凡十八改也由金熙宗而訖元末三改也一曆之改集衆見而治之測驗之必精課試之必密策無遺算思無遺智法無遺術宜其行永久而不變然歷代善言天者不數世而輒差是何故哉杜預曰陰陽之運隨動而差差而不已遂與曆錯歐陽脩曰事在天下其易差者莫如曆臣切考其所以差者由天周之有餘日周之不足也天周有餘則天常平運而計漸差而移于西天日之差而于中星乎驗焉堯之初昏昴中而日在虛七度虛者北方之宿則日行北陸躔於玄

枵之子也今之冬至初昏室中而日在箕六度實者東方之宿則日行東陸躔於析木之寅也計今去堯末四千年而退餘五十度矣再以歲差及赤道黃道考之勝國至元辛巳造授時曆天正冬至歲差一分五十秒今差三度六十四分五十秒也日躔赤道十度今躔六度三十七分日躔黃道九度者二十二分一十七秒今躔五度八十六分七十四秒也故洪武中漏刻博士元統上言我朝承運以來曆雖以大統為名而積分猶授時之數年遠數盈漸差天度距之元辛巳至元統上言時歲在洪武甲子僅一百四年迄今則二百四十二年矣年愈遠而數愈盈然則

治曆者豈可不隨時修改以求合於天哉平立之分不脩則陰陽二軌不順孤矢之分不脩則黃赤二道不正殆見推步氣朔及日月交食并七政躔度必違天而不入數也是以正德年戊寅日食己卯庚辰月時刻分秒起復方位頗與本監所推不合山東道監察御史朱節為歲差以正曆學事濫以臣充之使覲秘書加以歲月而謂庶幾曆元可更臣仰惟 陛下應天順人入經大統之年陽在重光陰在荒落適與元之革命改憲辛巳之歲相符則調元正曆以定未定之差法固有待於 今日也臣以凡陋之軀生繆曆重任竊念班固作漢曆志以昭治曆者之所尚必

專門之裔必明經之儒必精算之上臣於三者無類焉  
夜不遑固知攸措然於治曆之法畧聞其槩矣古今善治  
曆者三家一曰太初一曰太術三曰授時太初之曆以鍾  
律太術之曆以著策授時之曆以晷影曆以鍾律而起固  
正也然聲氣之元不易求曆以著策而起固善也然操扐  
之數有一定惟以晷影而就日之體測之毫忽微秒不可  
得而遁矣元史所謂自古及今推驗之精未有出于此者  
顧豈誣哉今欲正曆而不登臺測影臣竊以為皆空言臆  
見也伏望 陛下以欽天地而授人時為重乞可御史朱  
節之奏 賜臣中秘所藏有關曆學之書及 國朝曆志

准臣親督曾 奏改曆中官正周濂等及疇人子弟內掄  
選諳曉本業善于書算者及今冬至之前詣觀象臺晨昏  
晝夜推測日影赤道黃道中星分秒日記月書候至來年  
冬至以驗二十四氣一至二分日月交食台朔弦望併日  
躔月離黃赤二道及昏日夜半中星七政躔紫氣月孛羅  
喉計都等類視元辛巳季有所差備錄 上之仍 勅該  
部延訪四方之人如能知曆理之楊子如善立差法之邵  
雍如靜深巧智之許衡郭守敬令其參別同異重建曆元  
詳定歲差以成一代之懿制可也方今天下涵泳 聖  
化之中豈無其人哉臣雖不佞或可執一籌以備 聖

請改曆元事宜疏

鄭善夫

本年十月十五日十四年四月十五日十月十六日凡三  
次月食本部劄臣前往觀象臺督同欽天監官生人等看  
驗其初虧復圓時刻分秒古法新法俱有得失經該奏報  
外竊以經緯天地治曆明時本聖賢事業而王政之首務  
也且天道幽玄其數精微今欲以人合天非明理達數之  
原鮮克於此是故歲差之法自晉虞喜始定以歲策五十  
年差天運一度何承天復定以一百年隋劉焯取二家中  
數復定以七十五年唐一行復定以八十三年元許衡王  
炯郭守敬復定以六十六年有餘凡經數十人歷驗千餘



年至元授時曆以為精密矣只今新法據許衡等六十六年有餘之數推演仍又不合天道豈易言哉且如定歲差之法積四期餘一日以一日分加於四期是故二至之時只在絲忽之間自古難准要須酌量以定者如定日之法一日百刻所以變為九百四十分者以氣數有不盡之數難分也凡每月三十日二氣盈四百一十一分二十五秒一朔虛四百四十一分積虛盈之數以制閏是故定朔必視四百四十一分前後為朏朒只在一分之間自古無有真知要亦須酌量以定者如日月交食惟日食為最難測月食分數惟以距交遠近別無四時加減蓋月小日暗虛

大月入暗虛而食故八方所見皆同若日為月體所掩而食則日大而月小日上而月下日遠而月近日行有四時之異月行有九道之異故旁觀者遠近自不得而同矣如北方食既南方才半虧南方食既北方才半虧是故食之時刻杪必須據地定表因時求合而後准也如正德九年八月朔日食曆官所報食八分六十七杪而閩廣之地遂至食既其時刻分杪安得而同今按交食以更曆元時分刻刻分分分杪極精極細及至於半杪難分之處要亦須酌量以定者若差半杪積以歲月則蹏離肺腑皆不合原筭矣是故隨時考驗以求合於天者苟非其人豈易言

我謹按漢宋以來皆設算學與教習儒藝同科稱四門博士如宋錢藻孫覺諸儒皆為算學博士之官九章之法大明故定差法更曆元每得其人我朝算法既廢而戶部考校數歲限取數人又止於算錢穀戶口此在九章尚未得其一也况占天之書國法所禁而官生之徒明理實少必須理明然後數精方今海內儒術之中固有天資超邁究心天人之學者使得盡觀祕書加以歲月必能上按往古下推未來庶幾曆元可更也

稽古樂以裨盛典疏

廖道南

臣伏考我太祖高皇帝諭曰治天下之道禮樂二者而已若通於禮而不通於樂非所以淑人心而出治道達於樂而不達於禮非所以振紀綱而立太中禮樂並行而後治化醇矣臣嘗莊誦竊嘆以為我聖祖獨稟全智超越千古允升大猷叅贊萬化故至治馨香達於神明休徵聯疊登諸史冊禮樂百年而後興信有由矣恭惟皇上建中致和體信達順光紹聖祖之丕圖載舉隆古之盛典禮崇三重樂備四郊邇者宸翰飛洒親撰園立樂章昭煥乾文發揮道妙比之絃管協乎律呂真有以動天地

而感神明矣臣惟古帝王之樂莫善於虞莫盛於周書曰  
予欲聞六律五聲八音在治忽以出納五言汝聽周官大  
司樂以六律六同五聲八音六舞大合樂以致鬼神蓋聖  
人作則必以天地為本天數五地數五五位相得而各有  
合天五與地十合而生土其聲為宮地四與天九合而生  
金其聲為商天三與地八合而生木其聲為角地二與天  
七合而生火其聲為徵天一與地六合而生水其聲為羽  
五聲相生旋相為宮於是乎播之以八音所以宣八風之  
和聲也講之以十二律所以順四時之和氣也有元氣而  
後有和氣有元聲而後有和聲聲和則氣和氣和則形和

形和而天地之和應矣臣請以古樂可行於今與夫今樂  
有於古者言之樂律之制陽律從乾陰呂從坤故奏黃  
鍾歌大呂以祀天神奏太簇歌應鍾以祭地祇奏姑洗歌  
南宮以祀四望奏蕤賓歌函鍾以祭山川奏夷則歌小呂  
以享先妣奏無射歌夾鍾以享先祖蓋人聲與樂聲相比  
而疾徐高下各有其節今之樂律則職掌於太常寺協律  
郎傳之既久而浸失其初意用之既殊而不得乎元聲其  
陽陰配合之禮律呂子母之義恐未必盡然也古者樂舞  
之設文舞羽籥武舞干戚故祀天神則舞雲門祭地祇則  
舞咸池祀四望則舞大磬祭山川則舞大夏享先妣則舞

大濩享先祖則舞大武蓋樂舞與樂律相應而綴兆疾徐  
咸中其度今之樂舞則隸籍於太常寺樂舞生朱干玉戚  
其會之於服冕帔旄舉弗辨之於份其於樂師六舞之儀  
舞師四舞之節恐未必盡然也古者大享之禮所以親君  
臣也周禮王宮懸九享食奏燕樂歌工在上舞位在下琴  
瑟在堂鐘鼓在庭各從其類無相奪倫今大祀慶成設宴  
於奉天殿教坊司承應雅俗混淆優侏儒獫狁恐非所以  
祇承上天之餘惠也古者籍田之禮所以重農事也周禮  
王出入則奏大夏司空除壇農正陳籍鬱人薦鬯犧人薦  
醴各司其事無相越職今躬耕籍田設樂於先農壇教坊

司承應群伶紛擾衆劇喧騰恐非所以表率下民之先務也凡此數者雖載諸令甲相沿有年而關係匪輕釐正宜急宋儒周敦頤曰樂者古以平心今以助慾古以宣化今以長怨不復古禮不變今樂而欲致治者遠矣 皇上法古帝王行古典禮 天地日月之祀既以復其初 朝廷未盡合乎古記曰作者之謂聖述者之謂明 聖人在上必有所作矣或謂元聲難知古樂難復臣歷考經籍樂家之說尚在也論樂之本則有若樂記載樂之文則有若儀禮自周以降雖失其傳然司馬遷撰律曆志班固宗之是故有三統之論蔡元定著律呂朱熹稱之以為成一家之



言若陳祥道樂書則又備載古今之制而無遺者也然欲求元聲當求諸經易曰雷出地奮豫先王以作樂崇德夫雷也者運天地之元氣以鼓萬物之出機者也知雷之元氣之所以發則知樂之元氣之所以宣矣舜命夔曰詩言志歌永言聲依永律和聲我聖祖謂熊鼎曰樂以人聲為主人聲和即八音諧矣斯訓也萬古不易之至論也記曰知聲而不知音者禽獸是也知音而不知樂者衆庶是也臣非知樂者也姑述所聞按諸樂書條為之說一曰稽五聲以正八音二曰稽八音以正十二律三曰稽十二律以正旋宮若歷代諸家之說亦互有得失先儒許衡固有

定論矣臣等不敢備述謹繹其義附錄進呈仰冀  
聖明  
俯垂采擇

刑獄類

平刑獄以服人心疏

劉濟

仰惟國家置三法司衙門專理刑獄一切大小罪犯刑部都察院主鞫問大理寺主評審鞫問者未當評審者雖屢駁不置必使情麗于法罪協其情而後已蓋于是權姦不得以恩怨為出入天子不得以喜怒為輕重此我太祖高皇帝立國之初稽古定制所以平天下之刑使天下之人君子有所懷而守法小人有所警而遠罪萬世所當遵守而不廢者也其後又有錦衣衛鎮撫司專理

詔獄刑法特峻繫者倍苦已非好生之意故中間因革不

一然雖出常制之外其所職掌則止是推鞠取具招由奏  
行法司擬罪詳審如律然後奏請發落其間或有冤抑  
刑部都察院必一體與之辯明大理寺必一體與之駁問  
高皇之良法美意亦未嘗盡相悖也法久漸弊茲允乘之  
其極也至以天子詔獄為權倖伸忿之所而三法司平  
刑衙門虛設不用其所得理者不過疏遠不關涉重大紀  
綱者而已蓋至正德為甚于今思之良可於邑 陛下升  
潛虛革舊弊諸大姦惡悉下法司人心痛快共贊 英明  
邇來漸為私移大乖 初意法司所擬雖在大惡多弛法  
以從輕鎮撫所鞫雖在小過蓋任情而加重 舊制既行

初政亦戾上累

聖德下拂群心災變之來夫豈無辜

臣等屢屢言之

陛下不以爲信然也近日劉取之私討

應付黃國用之私出紙牌顏如瓌之私用違禁包袱與夫

郭九臯等實係趙紀所誣曾致再三瀆奏乞付法司辯

明劉取黃國用顏如瓌之罪律有明條法所當舉陛下

天性寬仁或者追念取昔在廷因言得罪國用如瓌俱係

小失不必深求從而赦之未可知也不然則推問既明

照依定制奏送法司施行如律擬罪而已是以被逮以

來不復爲言既而忽出獨斷不令照例擬罪寂則充軍

矣如瓌則爲民矣國用則降遠方雜職矣夫罪至於充軍

為民降遠方難職亦大矣使其不應是律所失固為不小  
若其與律相合何不使法司明白議擬 昭示天下以為  
懲戒而乃為此曖昧不明之舉哉且陳惠言寅仔等情詞  
相連俱係一千人犯彼乃皆送法司而此獨煩 上裁其  
故何也傳之天下必謂竅等之罪本不至此 陛下特過  
為偏重爾不然何緝訪于羅織之門鍛鍊于 詔獄之手  
而又裁決于 內降之旨哉李洪陳宣罪至殺人降級而  
已王欽兄弟犯該姦黨亂政充軍而已以國用視洪宣以  
劉竅視欽等奚啻天淵懸絕而 陛下顧乃一律罪之其  
何以示天下耶夫刑以輔治也刑而不平適以致亂爾

民心不服而怨謫生惡人無忌而效尤肆雖堯舜在上皇  
變在下亦將何以為之此其所係誠非細故臣等以言為  
職豈敢終為緘默以負 國家任使伏望 陛下念

祖宗定制不可不守毋偏聽以害公毋獨斷以害明毋任  
情以害仁毋吝過以害正悉付定制以勵初心仍將近日  
特旨發落過劉取黃國用顏如璫三臣俱送法司擬以律  
例應得罪名若其果係犯該充軍為民降調彼亦甘受無  
詞如有可原亦與分豁其郭九臯問明之日亦付法司擬  
審無勞 特旨以乖大體自茲以往凡獄皆然則刑法無  
不平 聖德無不廣而天下咸服矣

信法令以全紀綱

曹懷

臣聞求臣朱熹曰人君正心術以立紀綱蓋紀綱正則朝廷尊而萬事理故之紀之綱以定四方我朝設官分職各有司存聯刑部都察院大理寺以聽常刑今之三法司是也假鎮撫司以聽禁獄古之掖庭是也事下鎮撫司者必送法司擬罪乃祖宗至公至平之法即刑人於市與衆共之者也使奪法司之獄而下鎮撫必奸佞之徒快私憤復睚眦順指氣使以養威禍階豈聖主所以壽命脉之源培根本之道哉前者奪刑部之李陽鳳以歸鎮撫此則陛下之失刑也今又奪都察院之程景貴以復歸鎮撫忍



視陛下再蹈之哉不知誰為陛下畫此策者試思之  
其人可勝誅耶信若是則五刑之用任一鎮撫足矣殆恐  
法司為空庭法官為冗員豈古所謂公聽之公聽之而仁  
王審之者耶如臯陶之所掌呂侯之所訓鄭僑之所鑄蕭  
何之所定以一鎮撫而能議擬耶是則倒持大阿之柄授  
之刑政舛錯孰大于是耶且景貴卑官也李曇中貴也信  
曇之情而逮械景貴已不能無偏聽之私而必中傷于鎮  
撫者豈為曇報復之地耶蓋法者天子與天下共者也烏  
得曇一人而壞天下法耶譬之主人委戒獲以田所人有  
告戒獲其私其私為主人者將治吾之戒獲乎抑訶譴其

告者乎今景貴能發臺之賍私猶告臧獲於主人也乃下  
景貴於獄猶訶譴其告者臧獲能畏其主哉以陛下之  
聰明天縱何暗於此而不潛消默奪其奸佞之心耶嗚呼  
景貴或不足惜也所惜者祖宗之法也朝廷之紀綱  
也伏望勿蹈前轍速收今命并付景貴臺等以歸法  
司則有罪無罪昭然於畫一之下庶刑以弼教而奸佞可  
杜紀綱可立矣未敢擅便臣不勝隕越之至

平大獄以圖治安疏

韋商臣

臣聞人君為求言之舉必將有用言之實人臣遇得言之  
秋必當納進言之忠臣自七月初旬到任隨患感冒泄瀉  
等證神衰骨立自分不免終負 聖明嘗具疏乞休未蒙  
即行罷黜近始強勉供職伏遇九月十五日 詔書有云  
爾內外諸司百寮務宜体朕之意有官守者脩其職有言  
責者盡其忠一切有裨於政理利于軍民者宜一一脩具  
奏聞朕將舉而行之臣竊慶幸雖荒之清問下民舜之樂  
取諸人不是過也臣雖不肖忍負 聖明之德乎臣惟古  
司刑官有士師即今之大理是也夫理也者理其情之是

非罪之輕重而已矣有廷尉平即今之評事是也夫評也者評其是非之當輕重之宜而已矣古廷尉平專掌平決詔獄故銓曹叅注必以才望清高標格孤秀者署之臣之庸腐愧非其人而誤蒙 陛下之欽除者則其職也職在與聞刑獄請得以獄之大者一為 陛下評之臣自授官以來竊見以大禮事群臣伏 闕號泣以諍觸犯

聖怒大臣調任者吏部左侍郎何孟春一人其餘以為首充軍者學士豐熙等凡八人決杖病瘡死者編脩汪思等凡十七人以送迎忤使臣而拏問者副使劉秉監知府羅玉等凡幾人以織造抗使臣而拏問者布政馬卿知府查

仲道等凡幾人以失儀下獄者御史葉奇主事蔡乾前  
後凡五人以京堂官為所屬評奏下獄者御史任洛副使  
任忠凡二人此皆國家大獄上干天象下駭民心關係  
甚鉅者也臣不敢愛死妄議以為伏闕諸臣狂直之罪  
信有之矣然其當宥者猶有三焉蓋雖已往情猶可推其  
初不過欲陛下特重太宗崇奉正統為宗廟社稷  
計至深且遠若諸為首者又特以職銜在先故名次亦先  
之耳如本寺奏疏雖左寺正母得純為之首然臣在病中  
猶署名焉實微忠所不容已也彼豈能迫之使從耶觀此  
則其他可知矣此當宥者一也古昔聖王得萬國之歡心

以事其先王今陛下行孝似先失廷臣之歛心臣夙聞

獻皇帝寬明仁聖使其有靈恐不能安其祭也此當宥者

二也先帝朝罪謫者陛下悉起而用之天下至今以

為美談今日貶黜者安知後日無優恤之者乎是陛下

自安其過而遜其美以遺後人也惟自今失之自今復之

則天下萬世皆將謂陛下前日之赫然怒者猶日月之

食人皆見之者也今日之釋然悟者猶日月之更人皆

仰之者也豈非皇明之盛事耶此當宥者三也臣頌

陛下大奮明斷凡去位遠戍者悉復其官不辜死者悉錄

其子孫庶幾猶不失欽恤之意爾以迎送及織造逮繫諸

臣其疎慙之罪容有之矣然其當宥者猶有四焉蓋大監  
顧義以奉迎 神主經過順德地方副使劉秉監等送迎  
館設禮也顧因驛遞之傳報失悞倉卒不及候迎因院宇  
之規模相似因循不及更易其迹誠若可惡然皆一時小  
過所謂人有不及可以情恕者也且不免窘辱于當時擊  
問于今日亦足以贖其罪矣此當宥者一也布政馬卿等  
受藩宣之寄為 陛下保障一方者太監吳勳奉織造之  
勅或失安靜之 旨故卿等少為鉗制之以安其民是知  
有 陛下之民而不知有使臣也命使且然則其他豪強  
不得以擾民可知矣為 陛下守土者皆若人也天下何

患其不治耶此當宥者一也劉秉監焉卿等及賴義吳勳等雖遠近不同均之臣子也勳等一言遂不辯其是非曲直而卿等遽有拏問之辱臣恐宣力四方者莫不聞而解體也此當宥者三也先帝朝內使四出罕聞有此今陛下在上反顧有之者必當時畏權姦之故今日恃陛下為甚厚而敬陛下為甚大也此當宥者四也臣願陛下廣昭仁恕釋其囚羈羅其官庶幾有不失明允之意爾諸臣以失儀下獄者罪固不可追矣然臣愚以為臣子之微或失儀干君父之嚴斷非敬之不至乃其敬過甚所致耳是過也非敬也故言曰宥過無大刑故無小且



陛下往歲亦嘗行之矣何獨至今日而異之或曰失儀  
拏問亦祖宗之法也臣竊謂祖宗良法美意尤有大  
于此者誠能舉其大而不拘其小得其意而不盡其法則  
所謂善繼人之志善述人之事者矣臣願自茲以後待臣  
於失儀者必從而糾之所以盡其職陛下於既糾者或  
從而宥之所以廣其量上下交盡夫誰謂之不可耶以  
京堂憲臺為所屬小民計奏下獄者罪固有所歸矣然  
臣愚以為諸臣不足惜所惜者朝廷之大體爾夫  
天子所以為至尊而天下之人仰之如天敬之如神明者  
特以等級明白截然不可踰體統森嚴凜然不可犯爾故

曰庶遠地則堂高又曰體統正而朝廷尊今所屬得以奏去其堂官小民得以奏去其方面是等級可踰體統可犯也是豈陛下之福也且陳彥章所奏憲臣方囚首垢面係累於法司而彥章何人顧偃然得寧家以去樂護等刑部鞠之於前大理評之於後法律具在誰敢容私于其間而內批降級調任亦莫知所由臣聞之道路凡此皆非陛下本意或有左右其間者爾臣謂此先帝朝權姦播弄威福之所為而謂聖明之世亦有之乎倘有之則前車之覆後車之戒彼獨不見前日播弄威福者之禍耶况西虜跳梁正日夜占驗天象之時而少知天文者

使之不在左右恐亦非計之得者北邊軍士反側議者猶  
欲添註官司以備之易州兵備豈可遽議裁革故當時兵  
部之執奏科道之交章殆有見矣 陛下嘗得一二省覽  
否乎臣願復諸臣之官正妄奏者之罪以存大體或有擬  
除令吏部考其賢否而為之黜陟焉庶乎用刑用人各得  
其當也臣與前項諸臣三四人鮮有絲梓之好筮仕之始  
亦寡平生之交但念臣前疾雖已漸平弱質終難久待苟  
不及時少盡微忠萬或均委溝壑則負 陛下擢用之績  
則負臣父訓育之恩則負師友化誨之功臣每思之誠有  
食不甘味寢不安枕之意此或臣之良心也所謂人無有

不善者也所謂君臣之義無所逃於天地之間者也臣安敢避嫌遠罪自賊良心而不一盡其愚也昔有虞皐陶為大理天下無虐刑其稱舜曰臨下以簡御衆以寬罪疑惟輕功疑惟重唐戴胄至大理犯顏據正叅處法意有罪常流者太宗欲置之死胄曰法者布大信于人言乃一時喜怒所發陛下以一朝忿將殺之既知不可而置諸此小忿存大信也太宗從其言夫虞舜皐陶二聖交孚太宗戴胄兩賢相得惠澤流于當時聲譽垂於萬世凡有道之君有志之士莫不嗟嘆企服于無窮今臣位微才劣固不敢望戴胄之賢于萬一况皐陶之聖乎然陛下寬信之德

則上追虞舜而下視唐宗者矣臣敢曰吾君不能從付  
諸太息而已哉況邇者水旱厲疫風雹星隕地震山崩泉  
湧蝗蝻之災殆遍天下又西戎不順說者謂應泰首五星  
聚于營室之變有識者多為之寒心臣以為消彌備禦之  
道固自有在然平反刑獄亦一事也蓋刑獄不失其平然  
後下得人和以上致天和近得內寧以遠消外憂爾其轉  
移幹運之機亦非此疏所能盡者伏乞聖明揆狂夫之  
言舉蒙瞽之意下臣言法司議果前項諸臣其情可原請  
從肆赦以昭陛下之仁如臣所言於律有碍情甘顯戮  
以彰陛下之義拳拳忠懇不勝待罪之至

正 國法以光 聖治疏

唐樞

臣竊見近日李福達之事 陛下存心想至駁勘再三惟  
欲求民之平誠古帝王欽恤之盛心臣實欣誦不已柰何  
臣下之負 陛下欺蔽者肆其譏誦諛者混其說固位者  
緘其口畏威者變其詞訪緝者失其真是以 陛下之感  
激甚而是非卒不能明于其所哀矜而幾至於僻矣臣請  
得細陳之願 陛下細聽之細察之臣竊惟 陛下之疑  
此獄有六謂謀反罪不當輕意加於所疑一也謂天下人  
有形相似者二也謂薛良之言勿可聽三也謂李珣之申  
文明悉四也謂文臣立黨欲以傾郭勛因而輕捏五也謂

崞洛等縣諸証人皆讐勿可信也臣願為陛下細解福達始而王良李鉞從其意何為繼而為惠慶邵進祿等師其傳何事李鉞漢十月下旬之約其行何求口稱我有天分等語其情何謀劫庫攻城張旗封爵雖成於邵進祿等其原何自風流記太上玄天垂文書其詞何指要之反狀甚明故在外詔衙門曰可殺在內府部諸衙門曰可殺陝之人曰可殺山之人曰可殺京畿中無一人不可殺是諸大夫國人比目曰可殺惟左右之人曰可不可則臣不得而知也此第一疑之不必疑可得而知矣且福達之形最易認識或取其平青布之並立或明驗于自幼

之禿頭聲言于李俊李二李三是其族識之矣明發于戚  
廣之妻之口是其孫識之矣始認于杜文仁是其姻識之  
矣對証於韓良相李景舍是其友識之矣一言平高尚節  
王宗美是鄜州主人識之矣再言于邵繼宗自成是洛川  
主人識之矣三言于石文舉等是洛川道路人皆識之矣  
此第二疑之不得疑可得而明矣薛良怙惡小人誠非良  
善故所訐福達事情類多不實但所言張寅即李福達即  
李五即妖賊實是標訪明白今已驗之况福達踪跡詭秘  
慧術過人人皆落其計中苟非薛良狡猾之人亦不能發  
彼之陰私也此第三疑之不可疑可得而明矣是時李珣



因見薛良非良民又見李福達指龍虎形肋無硃砂字又見五臺縣張子真戶內實有張寅姓名又見崞縣左廂都李無李伏卷軍籍并李五名貫遂首且粗率因小疑而誤大獄據纖智而釋元兇殊不知五臺縣嘉靖元年黃冊始收張寅父子入戶時張寅年五十四歲則張子名衛輝店內之交可考而知矣崞縣止有在城坊李福達字為伏客乃于左廂都追查又以李五為實名求其貫址安可得耶則軍籍之無查可考而知也况福達既能妖書妖唱燒煉等事安知其無妖術若果有妖術則龍虎形硃砂字亦不能盡必薛良之誣矣此第四疑之不當疑可得而明矣

京師之自外方來者不止一福達既改名張寅又衣冠言  
語似人郭勛從而信之亦理之所有也亦意料之所不能  
及也文臣縱有傾勛之心亦安能加之罪乎此第五疑之  
不待疑可得而明矣若曰薛良讎也則一千中証非讐也  
若曰韓良相戚廣輩讐也則高尚節屈孔石文舉諸人非  
讐也若曰魏恭劉永振讎也則即今布按府縣官非讐也  
若曰山陝人讐也則京師各色人員非讐也何獨歟歟衆  
口盡願福達之誅乎此第六疑之不容疑可得而明矣臣  
竊見 陛下勵精圖治足追三五天下臣民深所仰戴但  
三思有聖賢之訓多猜非 帝王之宜伏願 陛下六疑

一釋大奮 乾剛即將福達明正典刑以為 聖世一大  
快則政治之光可為萬萬世傳矣臣待罪刑官激切妄言  
當萬死不勝悚懼待 命之至

酌處緝訪事宜以廣 聖恩疏

歐陽一敬

臣惟緝訪之設所以肅法紀冤抑之防所以廣 仁恩我  
皇上乾剛丕振而奸宄畏威法紀肅矣矜疑必恤喧熱必  
審卽罪入大辟往往姑緩其死 仁恩溥矣然節奉

詔旨申飭尤諱切於妄拿誣陷之禁及知其冤而不為辯  
理之例則緝訪一獄實 聖明所軫念者一時嚴衛法司  
諸臣孰不仰承 休德刑期無冤也哉臣愚待罪該科猶  
不能無過計者切惟訟必兩造具備入鈞金束矢而後聽  
之重有據也緝訪則止屬風聞多涉曖昧即善聽者初無  
可據矧緝事員役隸屬嚴衛衙門其勢易違而又各類計

所獲功次以為陞授則憑其可逞之勢而邀其必獲之功  
枉人利已抑將何所不至甚至鎮撫司徇衙門之私而嚴  
刑鍛鍊法司非甚有執法者不免懷忌避之念而苟且扶  
同則此獄之不能無固亦勢之所必至也是故臣每聞奸  
匿之禁內外雖多而無辜被逮冤抑終莫之伸者殊亦多  
狀捕風捉影兵衛每附會以讐其奸非法者訐爪牙自威  
逼以強其認有真盜出首幸免而故令多攀平民以備其  
數者有括家囊為盜賊而通同袒惡以証其事者有潛種  
圖書陷人於妖言之律者有懷挾偽批坐人以假印之科  
者有姓名彷彿擊汪堯民為王氏而荼毒以死者有親父

素稱孝子亦被摯誣作忤逆者有無辜。籲天極口冤號  
于法司之衢者有酷威所割甘承寃。願少須臾無死而  
不收復辨者且訪拿所及家貲一空甚至并同室之有而  
脂捲以去故被訪之家諺稱為割言若割刮無餘也毒害  
堪憐之狀莫此為甚語曰巨濤振壑川無恬鱗驚鷗拂野  
林無靜柯都城赤子每跼蹐於是獄也久矣我皇上如  
天之仁無遠弗届詎忍使輦轂之下有是哉此臣所以  
感激愚衷不敢不冒為酌慶之議也夫誣妄之禁嚴矣不  
為辯理之例重矣緝訪以詰奸慝本京師之不可已者  
更將何以處之臣愚以為止沸在去其薪採弊必塞其源

蓋嚴衛之論功類 奏不免徇情所屬每獲一犯即紀一  
功不問其獄之成否虛張勞勛不記其犯之輕重含糊題  
請朦朧比擬即兵部覆勘亦不過查例陞授而功與犯之  
真偽皆非所與遂使市井廝養之流假此驟躋官階舉凡  
無功欲冒有功之賞不免以無罪致之有罪之地也箠楚  
之下亦何獄而不成哉合無今後緝訪人犯果係機密重  
情有干 憲典者嚴衛據覆題 知其情罪真偽隱微未  
經鞠審不得輒紀功次待法司詳擬成獄之後方許紀功  
該法司仍逐起開造冊由累節送兵部備照每當類奏該  
部同嚴衛會題仍 勅兵刑二部勘對明白請 旨陞賞

其曾經緝拏而未成獄者不得虛冒比擬有主與親屬人  
命及占產詐財等項有對理者均乞 嚴申禁諭無得一  
槩混拿以滋騙詐之局如有獄未成而官校及鎮撫司考  
打傷重或至死者許法司徑往叅治法司容隱扶同仍聽  
該科并叅重究如此則功必覆實而情涉誣妄者不得以  
行其私訪必機密而事干 常憲者不得以肆其擾刑無  
非而平民橫遭羅織者不致畏迫而妄招庶幾刑清民服  
奸宄戢而冤抑之防亦慎矣邦畿千里維民所止 聖恩  
之所被及豈其微哉要之禁詰姦細兵部之事也會題與  
廠衛同則冒濫之防是即所以禁奸問理獄囚刑部之事



也查勘與兵部同則議功之慎固亦所以議獄彼此相須  
關係殊非細故伏乞 勅下該部詳議如有一得可採  
特賜見之施行亦 今日刑獄中急務也臣愚不勝戰慄  
瞻仰之至

原缺

所以滿溪壑之欲也小民何以堪命哉若不嚴加禁  
戒日甚一日則下激民變上干天和所繫非小也伏望  
皇上特降嚴旨勅下臣部移咨都察院轉行各處撫按  
官督同司府等衙門加意戒諭各處有司不許設置夾棍  
等項慘刻刑具如有仍前濫用者即照非法用刑事問以  
降級為民中間有故勘故禁故入平人致死者依律問以  
抵罪本管監司若姑息縱容只知為人惜官而不知為民  
惜命者酷官別有舉發監司責有所分如此則上下知警  
有司不得肆為刑殺而小民得以為生矣再照守令所以  
敢于酷刑者不知律例之故也律有故勘故禁故入抵死

之條例有非刑降級為民之戒各官素未講讀是以任意  
冥行全無忌憚夫既不知以律自治而又安能以律治人  
查得 大明律誹謗律令條下百司官吏務要熟讀講明  
律意剖決事務每遇年終在內從都察院在外從分巡御  
史按察司官按治去處考校若不能講解律意者初犯罰  
俸錢一月再犯答四十附過三犯於本衙門遞降叙用欽  
此則是於已仕各官皆令講明律意矣乞 勅各該監司  
着實舉行其未仕如辦事進士各衙門掌管督令人各熟  
讀講明仍不時考校務使通曉其舉人監生待選千吏部  
者每遇考選摘取律文數條令其背錄本文解釋大義親

原缺

正 國法以銷禍本疏

龍尚鵬

臣自為書生時讀嘉靖初年

欽明大獄錄前後翻異

若矛盾然及詢諸海內士大夫乃知李午係山西太原府五臺縣人今逆賊李越之姪初名福建因發戍逃歸黨居陝西洛川縣倡白蓮教聚眾稱亂攻殺長吏屠其城後餘黨盡滅惟午變姓名占籍該府徐溝縣詐稱張寅納授太原左衛指揮使數被韓良相等詰其罪惡實緣脫免已而巡按山西監察御史馬錄捕之午即大賂武定侯郭勛移書請託欲待以不死錄飛章劾勛黨逆賊執其手書及其午反狀

聞尋奉

欽依李午抵法郭勛着回話勸懼

先帝怒禍且不測遂陰結貴近陽欺朝廷流毒縉紳蔓延天下如刑部尚書顏順壽都察院左都御史聶賢大理寺卿湯沐等皆讞議法司也或逮繫詔獄或禁錮終身給事中劉琦御史姚鳳鳴等皆抗疏言官也或埋冤犴狴或委骨荒山山西布政使李璋按察使李珏都指揮馬芳等皆原問三司也或已遷官而行提于別省或已罷職而追捕于私家甚或以通問致書而稱為朋黨以偶語立談而指為訕謗其餘羅織成獄者通計部院各寺科道等官凡四十餘人衣冠之禍可謂烈矣逆賊李午與其親男李大仁李人禮等乃脫然縲網之外業有成案人不敢復言

亦以事經數十年無從發其隱矣近巡歷山西三關至  
延綏訪徐溝洛川二縣皆李午狼躡之鄉也質之故老益  
知其詳復聞嘉靖四十五年四川妖賊蔡伯貫反逆就擒  
狀招以山西李同為師即李午之孫也傳習白蓮教自言  
為大唐子孫當出世安民結謀倡亂惑人心隨該四川  
撫按移文山西捕李同下獄反覆按問佐驗甚明招稱李  
大仁李大禮皆號為祖師查刊刻太獄錄姓名來歷一一  
相同則李午以妖術傳家世為逆賊別無可疑今撫按衙  
門將李同等依律坐斬題奉 欽依聽秋後處決臣優行  
山西按察司取原發招由與大獄錄參對彼此互見不謀



同符乃擊節嘆曰天下之所以誅逆賊信龜髮不爽能巧  
護於生前而不能撫詞於死後能首免於其身而終不能  
免禍其子若孫如此天網恢恢疎而不漏似亦足以示  
凶德之報矣然李午身為叛賊殺長吏屠城邑且縉紳之  
禍徧天下雖舉族誅夷人猶有遺憾乃得仍其官老死牖  
下豈天地乎今觀李同之獄而午之罪狀益彰法當剖棺  
磔其屍以正鉞斧之誅以洩神人之憤此千古一大斷案  
也李同以妖言稱伏罪當正其身若以李午之窮兇極惡  
盡法繩之即使閭閻無噍類亦不為濫是在持法者權衡  
于其間臣何敢懸斷也午之罪誠不可勝誅矣

國恩結知 明主乃黨逆賊陷縉紳白日撼風霆蒙蔽

日月使舉 朝側目卷舌藏聲而樞要之人悉順指氣使

會其意權奸之可畏一至是哉萬一陰蓄異謀人人皆重

足而立俛首順命焉其為禍豈忍言哉正勛之罪似當革

其生前之爵貶為匹夫以示懲創誅權姦于既往垂鑒戒

於將來此誠今日正人心銷禍本第一義也至于大學士

桂萼張璁等時以三法司被逮缺官奉 命典獄彼皆心

胥大臣也一言悟主動若轉圜乃觀望扶同竄易原案甘

犯天下之清議而不恤使 國是淆亂人心危疑載筆特

書不免為 清朝之玷禍端寔長誰任其事似應追論前

愆以明弼直之責叅之往牒察之輿情使罪坐所由當無  
復他詞矣先是獄既定上以馬錄為首惡欲誅之賴寧  
等申援得改永遠充軍編發南丹衛錄之免死多其力他  
或有所牽制不得自專云使當其時正色危言以去就爭  
之必不至此苟以迎合徇特曲為自全之地充是心也亦  
將何所不至哉再照大獄諸臣多一時忠讜之士其英風  
勁氣百折不回寧忤權臣而不敢忤國法世之所謂狂  
流砥柱非耶今以姓名官階具載獄狀刻本見存凡未經  
恤錄者乞通行擬議請自上裁特加優異以廣天地  
生成之恩以伸忠良感慨之氣其于士風世教豈謂無小

補哉或告臣曰往轍可鑒何川招太臣謂天地有正氣宇  
宙有正人故天綱地維萬古不墜若依阿邪人埋沒正論  
終使亂賊之徒得以苟容於後世天地且顛覆矣國家  
何賴焉天道有知亟當返正豈滯迴虐焰猶能為厲于銷  
滅之後耶陛下秉嫉邪為萬世訂倘不以臣言為大謬  
乞勅該部覆議施行臣素抱剛腸嫉惡已甚故得諸見  
聞義難緘默惟陛下聖明少垂矜察臣無任隕越祈望  
之至

禁刑獄之濫以慎職守疏

毛愷

邇者屢覩在外各撫按官後先奏報災傷如幾何吳楚之南北山之東西與夫雲中上谷之間率洪水暴溢壞人田舍飛雹蝗蝗彼此荐作地方被災廣且重大夫變不虛生災由人召仰惟皇上恭儉仁慈愛民勤政宜乎人安物阜時和歲豐今若此將非大小臣工職守未盡有以致之也乎否則何其反常若是也夫水與雹蝗皆陰物也為災廣重陰莫盛焉求諸所致厥類雖多而刑獄乃其尤者蓋刑兼陰令主肅殺臣等所職業在于是毋亦中外之獄容有橫濫不法如水之泛濫莫可隄防如蝗雹之害稼奪

民生命者乎夫漢廷遇災策免大吏律以漢法臣等誠莫知罪之所逃矣謹以中外刑獄之濫者有六敬為我

皇上陳之竊惟大凡詞訟自下而上越訴者有罰非係正官而擅受者有罰今則有舍本縣而薦告之州有舍本州而薦告之府有府縣未結而且薦告之監司志在誣人紛然無忌又多私自訴諸州縣之佐貳首領等官彼既利其易行比亦因以自立至于正官之好事者則或不審其情之輕重理之是非槩行唯理遂使告訐之習相煽成風險健之夫終訟不止是曰濫詞虛誕之詞累人衆多本無辜而擬稱正犯非知見而指作證人蔓引枝牽動至數十各

原缺

其是非之實又有不可勝言者由是扣胃之夫接踵于獄  
中茹冤之婦不止東海一人而已是曰濫擬獄有定議自  
宜查照發落間有以為情重律輕罪外加譴或指修理或  
指備荒或指作興或指軍餉巧立名色重為厚科遂使賣  
男鬻女散之四方破產蕩家委之溝壑者往往如是是曰  
濫罰凡此六濫刑獄之蠹民生之殃召災致沴大率因之  
儻蒙 皇上不以臣等所言為謬或可以修省萬有一分之  
助伏乞 勅下臣等遵守將前弊嚴飭司屬及咨南京法  
司并各巡撫衙門仍咨都察院轉行各該巡按御史一體  
痛為禁革夫大事二十日程中事十日程小事五日程而



濫禁者應以不及論刑猶兵也不得已而用之因公科欽  
律例猶嚴為之防而濫刑濫罰者應以貪酷論政出多門  
議罪不當均干法紀者也而濫詞者掌印官以罷軟論擅  
受與夫濫擬者俱以不謹論若夫濫拘一節初犯次犯量  
為戒飭以屢犯者送調別用以上數者祛革濫弊似或宜  
然務在着實舉行毋事姑息庶幾從容幾措太和洋溢豈  
惟災沴不生將雨暘時若年稱大有矣弭災召祥固非一  
端然此其最先者云臣等不勝惓惓不勝待罪

守成憲以平國法疏

王濬

臣等竊聞創業垂統之主必立紀綱以遺子孫繼世承序之君必守紀綱以法祖宗是故紀綱也者成憲之謂也書曰監於先王成憲其永無愆司馬光亦曰謹守祖宗成法不隳之以逸欲不敗之以譏諂則世世相承豈非萬世人君之所宜省念者哉仰惟太祖高皇帝除亂以造區夏稽古以立紀綱是以置刑部以司刑獄平民情置都察院以糾百司辯枉寬置大理寺以審成獄評重輕故犯人經此三法司者始無枉縱矣其後姦惡重情亦有付錦衣衛鎮撫司推鞠者不過取具供詞奏行法司擬罪而已成法

具存也久而弊滋則權竊擅威福之柄高下其手蓋至正  
德年間此法變亂極矣 陛下丕承前烈剷除風弊一時  
大姦大惡悉付法司天下稱快比及二年漸不如初臣等  
竊為 陛下惜之且如王欽兄弟姦黨亂政法司問擬死  
罪聽決者也乃奉 欽依饒死充軍李洪殺人罪應抵命  
者也法司覆奏提問則又節奉 欽依降五級而已至於  
劉宸之私起關文黃國用之私出紙牌顏如瓌之私用違  
禁包袱皆常付之法司擬罪者也乃今特奉 欽依劉宸  
充軍黃國用降遠方雜職顏如瓌為民夫王欽李洪皆犯  
至死罪常赦之所不原者而皆縱之發遣今以劉宸視王

欽以黃國用顏如瓌親卒洪其情罪重輕不啻霄壤懸絕也而充軍降級為民不論情罪不恤人言至此此皆臣等之所未解者也陛下新政豈宜踵此舊弊哉臣等嘗聞舜為天子若瞽瞍殺人梟陶亦且執之舜亦不得廢法於其父如此也況王欽李洪輩儼邪小人兇悖大惡法所必誅者乎今亦何獨曲為輕縱至此極哉漢之時渭橋犯罪高廟盜環文帝欲誅其人致之族張釋之執法抗論而犯者皆得平反蓋法者天下之公共也此況劉寔黃國用顏如瓌情犯殊科緝訪被逮法當擬罪者乎今亦何獨故為重譴至此極哉此臣等之所深思而未解其故者也夫

王欽輩故輕縱之母謂不足患也大壞祖宗之紀綱而使小人者得計效尤無復顧忌深可患也劉寢等故重譴之母謂不足惜也自壞祖宗紀綱而使君子者解體失望無以展布深可惜也小人效尤君子解體而人心不服則天下之事將有不可知者矣臣等官當執法貴在言路目擊此弊豈容默而已哉伏望皇上念祖宗之紀綱而不撓沮於私恩小忿奮乾剛以獨斷而不偏惑於左右發偉仍將王欽兄弟照舊追賊待決李洪劉寢黃國用顏如瓌俱付法司問擬如律奏請發落如此則國法平而成憲不悖人心服而天下萬世稱聖矣宗社之慶

也豈獨臣等之幸哉

請辯馮恩罪狀疏

王廷相

嘉靖十四年四月十七日該司禮監太監張欽傳奉 聖旨如今天氣暄熱兩法司并錦衣衛見監囚犯答罪無干的放了徒流以下并減等議審發落重囚情可矜疑并枷號的都寫來看欽此欽遵仰我 皇上好生之德與天同體臣備員法司敢不祗承 休命以奉宣德意乎臣於去冬會同吏部尚書汪鋹等奉 命審錄罪囚審得刑部犯人馮恩犯該上言大臣德政斬罪臣與鋹等以本犯罪狀與律不類情實可矜擬以有詞再問伏蒙 聖旨依擬今已數月矣未見刑部再問明白擬奏今者又奉 欽恤之

命臣乃執法之官若聽忍不言致使 皇上欽恤之仁不  
被於下厥罪深重焉用執法為哉臣伏覩 皇明祖訓有  
云凡官員士庶人等敢有上書陳言大臣德政者務鞠問  
情由明白處斷本註云如漢王莽為相操弄威福平帝以  
新野田二萬五千六百頃益封莽莽不受吏民上書頌莽  
功德者前後四十八萬七千五百七十二人遂至威權歸  
莽傾移漢祚 大明律條意亦同此切惟 聖祖垂訓律  
之意慮恐後世宰執奸邪暗邀人心以危社稷故耳今馮  
恩所犯情狀揆之於此實不相類何以言之尚書汪鋐掌  
都察院之日恩會本挾私妄劾及鋐轉陞吏部尚書因之



善已故先為論列以制鉉不敢發且波及一二  
輔臣以示其非私劾鉉此以小人之心而量君子之腹者  
也跡其情狀誠為可惡至於與論尚書夏言王憲等之賢  
亦不過假藉言官論列之公以濟其害鉉之私耳此諸稱  
頌王莽功德本不相類臣與鉉等擬以有詞再問者此也  
伏乞 陛下矜憐之臣又聞之前輩有云我朝 祖宗以  
來有三美政皆前代所不及不與夷虜和親一也不使外  
戚與政二也不以論諫殺言官三也夫言官人主之耳目  
也聰明不致蒙蔽則人主洞燭奸邪萬里畢照社稷之福  
也故古聖王之於言官言善則行言不善亦優容之所以

廣聰明而鎮奸回也言官至於殺戮則臺諫之臣括囊情  
命矣誰復敢犯危而言之夫奸邪無種乘便乃生使言官  
畏禍而緘默以自保此小人得志之秋也蒙蔽奪其聰明  
奸黨隱於肘腋人主孤立而無聞見豈不危哉我祖宗  
以來不殺言官大意以此伏惟陛下鑒察之且馮恩狂  
妄小人殺亦不足惜但關涉朝政之大為惜耳伏望  
陛下再勅刑部擬辯律意竊意所犯情罪果合與否再行  
具奏上請定奪則皇上欽恤之仁不致遺漏而可矜  
之囚亦得以被更生之澤矣臣不勝幸甚